

中国边疆研究资料文库·边疆行政建制初编

西北及西南

中国边疆研究资料文库·边疆行政建制初编

西北及西南

西寧府新志卷之二十八

獻徵志

人物

西寧府

西寧縣
伯縣同載

皇清祁興周前明祁德孫也襲父廷諫指揮使職弟肇周

崇正末流賊破關中電掃風靡河西一帶咸爲賊

有次及湟中廷諫呼其二子密計令生員胡璉器

約莊浪土司魯行昌申中番目完冲及軍民之効

義者歃血訂盟以厲氣守城賊偵伺之不敢犯者

月餘會旁孽魯文彬率賊衆至平濠重圍曲示招
來奸黨中變而城危矣廷諫聚衆泣告曰事勢至
此有死而已與周曰國家養之恩報在此時兒
等當以死戰求濟遂合申申完冲土官祁國屏等
推璉器爲叅軍以兵趣攻戰疾手斬文彬併其黨
會賊僞將賀錦大擁蟻衆旋自甘肅璉器急策於
興周曰賀賊驍勇兼我寡彼衆可以智取不可以
力敵也時令番人誘賊入重地絳以馬索或以陷
阱旣仆馘斬之殺錦并賊黨數千湮中快之然賀

雖不餘黨益熾以戒賀之舉引於不白之冤
諫係累以去興周語其弟肇周曰吾父子兄弟咸
死無益曷走青海乞兵以圖復仇肇周曰兄適外
乞兵父及於難我不可不奔也至長安興周乞兵
而出

聖朝定鼎英王總督孟喬芳至賊四潰撫定三秦延諫歸
附以功仍授世襲指揮使興周襲職有功勞順治
十年歷官大靖叅將胡連器西寧人邊地無載記
遍訪其事他無考并不知所終云

擬入
鄉賢

李天俞玠五世孫也今子孫爲礮伯土司崇正甲申
歲流賊賀錦蹂躪中天俞妻妾二弟暨部落死
者三百餘人助祁興周殺錦賊黨挾興周父廷諫
并縛天俞去西安得脫歸附我

朝英王命其安撫河西各土司暨番族存順勦逆擒叛
番趙進忠等順治五年從孟總督喬芳勸甘肅叛
回別與祁國屏攻貴德康家寨身生虜僞都司馬
胡牙僞守備黑爾定等十八人斬首八十餘級順
治十年授世襲指揮同知天俞有膽識習邊情西

陸寶倚藉焉康熙三年卒於官

擬入鄉賢

祁伯勇前明秉忠孫也嗣父國屏官康熙十四年逆藩吳三桂僞帥吳之茂陷河東提督王輔臣亦叛伯勇從西寧總兵官王進寶統西碾各土司兵由上川口小徑直抵黃河夜以革囊暗渡攻克新城別擊賊於臯蘭山從進寶恢復蘭州臨鞏秦州每先登陷陣身負砲傷幾死授蘭州游擊二十六年調山東壽張營游擊伯勇英姿傑出精騎射二十八年

聖祖仁皇帝召見親驗砲傷擢甘肅提標參將晉永昌副總
兵再晉襄陽總兵官居官絕請寄杜苞苴所至皆
有聲四十二年陟鑾儀使未幾乞休歸凡諸生有
困顛者力培之里民妻子有流落者多方爲之計

林園自適卒於家

擬入鄉賢

祁仲勇伯勇弟也碾邑歷無科目仲勇舉康熙八年
武鄉試九年進士十四年從總兵官王進寶恢復
臨鞏秦州以功授西寧威遠官守備又駐防秦州
攻復西河禮縣功上授西寧提標游擊嗣改直隸

張家口游擊三十四年從征噶爾旦至坤都魯地方疾戰三十五年從

聖祖仁皇帝親征噶爾旦至拜燕烏浪拖諾力戰三十六年
隨

駕出塞至鄂爾多斯復運米塞外至郭多里又運米至剌剌
兔論功陟山西河保營叅將改任助馬路凡從征
者四別攻者二運饟者二晉浙江金華副總兵久
之致仕歸五十二年仍署世襲土指揮同知以官
壽終蒙

恩賜祭伸勇性孝友臨事果決而溫良有讓鄉人愛敬焉

入擬

鄉賢

馬進良字棟宇西寧人甫弱冠從戎技勇冠軍從征吳逆以功累擢副總兵古北口京北重鎮晉進良總兵官從征噶爾旦多著奇績加提督進良居裏誠篤綏緝有年康熙五十三年以老乞休

聖祖仁皇帝寵以宸章賚之御衣遣大臣致送閭里以爲榮

卒謚襄毅

已入鄉賢

李愈崇字蔭南西寧人田拔貢順治十年任太倉州

同知十七年歷廣東鹽課提舉司時禁罔尚疎射利窩占之徒憑城舍肆私鬻孔奪庖漏有司未嘗振理其奸商竄名耿藩下尤繁莫可如何愈崇慨然以釐剔爲己任利期必興害期必去敢耿藩略曰粵東設埠六十餘處內稱藩下者實多一任承催之役頻支敲扑帶徵之官連受叅罰各商且漠不關心動以藩下名色影遮竊惟各商侵其利以居已總貽其名爲藩欠歷相傳述習矣不察殿下亦安容若輩爲也康熙元年以老乞休歸里好善

樂施不入公門鄉黨咸敬焉愈崇工詩詞茗華旨

雅有詩集治鹺要略行於世

擬入鄉賢

沙琥西寧人以壯勇隸總兵官王進寶麾下委用塘
馬領旗康熙十四年二月隨征逆藩夜渡黃河於
新城殺賊追至皋蘭龍尾山屢戰有功授撫標把
總十五年從本標游擊在晉魯川十八盤山馬營
監諸處敗逆賊恢復通渭縣城十八年九月大將
軍圖海調隨征川琥充前鋒恢復略陽陽平關有
功十九年正月朔至白水江琥單騎率兵徑渡殺

賊隨大軍恢復成都功加守備從勇略將軍趙良棟克取小關山大象嶺以功加署都司僉書管千總事二十八年補甘肅鎮標右營中軍守備以才能調補莊浪營中軍守備三十九年加叅將擢四川川北鎮標中軍游擊從軍克取打箭爐有功加署都督同知以年老致仕歸里卒子國瑛仕至守備

郭守邦字金甌子輔後也順治甲午貢考授縣佐康熙十四年從軍有功授兩當縣令改山西長子縣

令數年有治績著郭氏家譜余讀是書不禁喟然有感也周禮大宗伯以飲食之禮親宗族兄弟其屬小史則奠世繫辨昭穆小宗伯則掌三族之籍以別親疏法綦詳矣自宗法不明遂凌競成風且不愛同氣何論宗文角弓之刺所以作也邊人歷代不乏顯爵而有家譜者百無二三守邦斯舉可謂梓里之矩矱矣

諱經世西寧衛學生員性樸實而急公好義康熙十四年逆賊吳之茂遣僞將據河東蘭州軍營餉缺

示諭士民經世將終身勤劬所畜之資五百金輸
助吳遂平將軍王進寶 奏授經世子生員談可
溥州同知職以酬經世寧民調善人有效也

色進忠西寧人以才勇從戎歷官湖廣九谿副將維
正七年七月

世宗憲皇帝擢爲西寧總兵官前往西藏代鑒儀使用瑛協
理諸務

賜帑金千兩十年二月卒於西藏

恩恤有加給全葬遣忠以西寧人而任西寧總兵官鄉人崇

焉

韓雯鵬西寧人以把總從軍至藏路哈喇烏素與準噶爾賊夷遇先登賊中烏鎗傷授千總雍正元年青海羅卜藏丹津謀逆從征爲軍鋒丹津遁從追至插漢烏素斬虜功係滿入都

世宗憲皇帝超擢貴州威寧鎮標中軍游擊改雲南鎮標游擊逆苗逞兇令率所將兵爲軍鋒開路抵東川斬首百餘級十年從苗

武

永

人賊潰直抵普洱從勦猛先桃園主魯屯藤條江
腊縱俱有功加署副將銜卒於官

恩准一子監生

談定邦西寧人弱冠從戎以積勞授西寧鎮標守備
雍正元年青海羅卜藏丹津謀逆從四川夔州副
將宋可進抵貴德勦思葛密逆番先登首夷數十
人從征青海暨慕泉二山所將卒有斬首奪獲牛
羊功授羣昌營游擊以甘肅巡撫薦

上擢爲一等侍衛旋授潼關副將九年從征巴里坤木壘十